

TESTAMENTO DI REY MOMO 2002

DISTINGUIDO PUEBLO ARUBANO:

NOS CARNAVAL ARUBANO 48 LO KEDA GRABA DEN HISTORIA DI CARNAVAL COMO UN CARNAVAL MAHESTUOSO, PRECIOSO Y SIN MOROCHO. PROME CU BOSO KIMAMI MI KIER PIDI PA HASI PUBLICO MI SIGUIENTE TESTAMENT:

1. MI TA LAGA UN PABIEN Y DANKI GRANDI ATRAS PA TUR ESNAN CU A COOPERA PA ASINA ARUBA POR A CELEBRA SU CARNAVAL NA UN MANERA MAHESTUOSO YEN DI AMBIENTE Y ALEGRIA TANTO DEN E PARADANAN COMO NA BANDA.

2. MUY EN ESPECIAL MI TA LAGA ATRAS UN DANKI PA E PARTICIPANTE-NAN DEN E PARADANAN TANTO NA SAN NICOLAS COMO O'STAD.

3. PA TUR E CANDIDATANAN CU A PARTICIPA NA E ELECCIONNAN DI REINA, TANTO INFANTIL, HUBENIL Y GRANDI TA KEDA UN PALABRA DI FELICITACION PA NAN BUNITA PRESENTACION, MENSAHENAN Y SHOWNAN CU TA MANTENIENDO E NUMBER DI ARUBA DEN TOP.

4. PA TUR E CANDIDATONAN CU A PARTICIPA PA PRINS Y PANTO TANTO INFANTIL, HUBENIL Y GRANDI, SIN MENCIONA NOS PROME REY MOMO TA KEDA UN PALABRA DI FELICITACION PA NAN PRESENTACION, SHOWNAN Y TA PIDI PA PREPARA TREMPAN PA E AÑA VENIDERO

5. TAMBE PA E DISEÑADORAN CU A TRAHA E TRAHENAN, CAROSANAN, BODY- Y ROADPIECENAN, MUSICONAN, COMPOSITORNAN Y ARREGLISTANAN MI TA LAGA ATRAS UN FELICITACION Y DANKI PA NAN CREATIVIDAD CU A LUCI DEN E GRAN PARADANAN Y SHOWNAN.

6. MI TA LAGA ATRAS UN DANKI ESPECIAL NA E BANDANAN CU DEN E PARADANAN A TOCA E COMPOSICIONNAN ARUBANO PRODUCTO DI NOS COMPOSITORNAN, KENDENAN SIN DUDA ALGUN A CONTRIBUI NA ENGRADECIMIENTO DI NOS REPERTORIO MUSICAL, ENTRE OTRO NOS ROADMARCH "WILD DONKEY" Y TAMBE "ARUBA TA HOT" Y "THRILL"

7. MI TA LAGA ATRAS UN FELICITACION PA HENTER NOS PUEBLO ARUBANO PA NAN DEMONSTRACION DI CIVISMO Y COMPORTACION AUNQUE MI MESTER BISA CU E PUBLICO NA SAN NICOLAS SIN BARICADA A COMPORTA SU MES NA UN MANERA SUBLIME Y NA O'STAD MI A SINTI FALTA DI MAS BARICADA, LOCUAL MI A PIDI AÑA PASA TAMBE, PESEY MI TA LAGA ATRAS UN PETICION PA GOBIERNO LAGA TRAHA TRAHA MAS BARICADA, SUFICIENTE BARICADA, HOPI BARICADA TE FINAL DI E PARADA PA E PARTICIPANTENAN SINTI MENOS MOLESTER DI E PUBLICO NA BANDA.

8. MI TA LAGA ATRAS UN SUPLICA GRANDI NA NOS MINISTRO DI ENSEÑANZA Y DIRECTIVA E FUNDACION NAN ESCOLAR PA YUDA MANTENE NOS CULTURA, CUAL TA CARNAVAL, PASOBRA NO LUBIDA CU CARNAVAL TA PARTI DI NOS CULTURA Y NOS TIN CU PROMOVE POR MEDIO DI

NOS MUCHANAN, DUNANDO NAN DIALUNA DESPUES DI PARADA DI MUCHA LIBER.

9. MI TA LAGA ATRAS UN DANKI GRANDI PA SR. MILO CROES, KENDE PA MAS DI 38 AÑA A DIRIGI E CARNAVAL DI ARUBA Y NA KENDE E CARNAVAL 48 A SER DEDICA.

10. PA NOS CUERPO POLICIAL MI TA LAGA UN DANKI GRANDI PA NAN PASENSHI, BON COOPERACION, COMPRENSION Y CU NOS POR SIGUI ASINA DEN FUTURO NA BIENESTAR DI NOS DUSHI CARNAVAL.

11. PA E EQUIPONAN DI TELEVISION DI EXTERIOR E.O. VENEVISION DI VENEZUELA Y PRENSA MERICANO.

12. PA CRUZ CORA, SERLIMAR Y ESPECIALMENTE PA D.O.W. ESTA OBRANAN PUBLICO MI TA LAGA UN DANKI GRANDI PA NAN FANTASTICO COOPERACION.

13. MI TA LAGA ATRAS, PUES MI APRECIO Y DANKI NA TUR INCLUYENDO GOBIERNO, COMERCIO, INDUSTRIA Y HENTER COMUNIDAD ARUBANO, SIN NINGUN EXCEPCION PA NAN COOPERACION CU A CONTRIBUI SIGUR SIGUR NA E EXITO DI E MAHESTUOSO CARNAVAL 48

14. MI TA LAGA ATRAS UN DANKI DI CURAZON NA TUR NOS MEDIONAN DI COMUNICACION SIN EXCEPCION ALGUN PA NAN SOSTEN, AYUDO, SUGERENCIA Y MI TA SPERA DI POR CONTA CU BOSO OTRO AÑA TAMBE.

15. MI TA LAGA ATRAS E FECHA DI E GRAN PARADA DI CARNAVAL 49 NA O'STAD DEN AÑA 2003, CUAL LO TA MAS LAAT CU E AÑA AKI, CORDA TUMA BON NOTA CU E GRAN PARADA 49 DI O'STAD LO TUMA LUGA RIBA DIADOMINGO DIA 2 DI MAART, MI TA RIPITI DIADOMINGO DIA 2 DI MAART 2003, PUES DI AWOR CABA CUMINZA PREPARA PA NOS DUSHI CARNAVAL 49.

16. ARUBA POR TA ORGUYOSO DI SU CARNAVAL 48 CU NO UNICAMENTE TABATA YEN DI BEYESA, MUSICA, AMBIENTE Y ALEGRIA Y PERO TAMBE SIN SU MOROCHO, PERO MI TA LAGA ATRAS UN MAHESTUOSO CARNAVAL CU TUR HENDE LO KEDA CORDA DURANTE HENTER E AÑA

17. BERDADERAMENTE CARNAVAL 48 A SOBRESALI DEN CREATIVIDAD, LUHO Y FANTASIA. Y BAN PREPARA PA CELEBRACION DI CARNAVAL 49 DEN 2003, CU TECLA NA CABEZ PA NADA BAI ROBEZ, PESEY UN BIAHA MAS UN DANKI TA KEDA PA HENTER NOS COMUNIDAD Y BAN DEN UN GRAN UNION PA SIGUI E EHEMPEL CU NOS PUEBLO A DUNA, PA NOS POR MANTENE E MAHESTUOSO Y GRANDIOSO CARNAVAL ARUBANO COMO ESUN DI MAS SIGUR Y UNICO NA MUNDO P'ASINA NOS POR KEDA BISA: "CU CARNAVAL DI ARUBA, SI TA CARNAVAL!"

18. DESPUES DI KIMA'MI, BAI CAS TRANKIL Y BAN DEDICA NOS MES NA ASUNTONAN SERIO NA BIENESTAR DI NOS COMUNIDAD.

DUNA, DIA 12 DI FEBRUARI 2002, BISPO DI SHINISHI 2002, BISPO DI CARNAVAL 49 DEN 2003 ARUBA LO TA NA CABEZ.....REY MOMO.